

آبونه س تبدیلنده ایریجه
• غروش کوندرملیدر •

مکتوبلرک امضاری واضح
واوقوناللی اولسی و آبونه
صره نومروسنی محتوی
بولونمسی لازمدر

ممالک اجنبیه ایچون آبونه
اولانلرک آدرسلرینک
فرانسجه یازلسی رجا اولنور.

پاره کوندردلیکی زمان نهیه
داثر اولدینی بیلدیرلسی
رجا اولنور

الکشاف

آبونه شرائطی : هریر ایچول
سنه لکی (۴۰۰) آلتی آیلنی
(۲۲۵) ، ممالک اجنبیه ایچون
سنه لکی (۴۵۰) ، آلتی آیلنی
(۲۵۰) غروشدر.

نسخه سی ۷,۵ غروشدر .
سنه لکی ۵۰ عدددر .

اداره خانه : باب عالی جاده سنده
رشید افندی خائنده

اخطارات
آبونه بدلی پشیندر .

مسکه موافق آثار مع المنونیه
قبول اولنور . درج ایدله یین
یازیلر اعاده اولنماز .

تلقیر و تسویلاتہ میدان ویردیکنی دها کچن کون یازمش و جواب ده ویرمشدی . بویله ایکن بر قورت رسمی یامسی و بویله ضریب توصیه لری حاوی بر مقاله بی درج ایتسی اوسوه تلقیری و تسویلاتی تزییده سبب اولمازی ؟

اونلره کوره

تورکک دینی ده ، عالمسی ده ، هریشی فنا

قادین ، ارکاک بر لکده تیارویه کیتیمی مغایر اخلاق تلقی ایدنلری و عاطل دماغلر ، دییه تحقیر ایدن ، بعض احکام اسلامیه علیهنده اک غیر تعبیرلری ، حقارتلری صاووران ، حقوق عائله قرارنامه سنک شرعی انجمننه حواله سنی وخیم بر ارتجاع شککنده کوسستروب منور زمره بی تمصبه قارشی متحد جبهه تشکیله دعوت ایدن ، دینک احکام معاملاتنی حکمدن اسقاط ایچون متمادی نشر یانده بولان وطن غزته سنده اخیراً « صبیحه زکریا » امضالی مقاله ده تورک اسلام عائله سی حقنمه شو سوزلر یازیلیور :

اوتوقراسی دورنده مملکتی اداره ایدن سیاسی قانونلر فصل بو دولتک احتیاجنه کافی کلدیکی ایچون دمکیشدرلک ایجاب ایدیورسه ، جمهوریت دورنده اوتوقراسی دورندن برر مستحانه اولارق قالان اجتماعی قانونلر بو مملکت احتیاجنه تقابل ایتیهور و سرعتله دمکیشدرله سنه احتیاج موجود بولونیور ...

شیمدی به قدر بزد وهر مطلقیتله اداره ایدیلن مملکتده قادین و عائله برر دینی مؤسسه ایدیلر . حکومت فصل دینک تحت نفوذنده ایسه عائله و قادین ده عین نفوذ آلتنده ، تملک شخصیدن معدوددی . ارکاک اویته فصل حیوان و اشیا بکنوب آلیسه ، برده قادین بکنوب آلیردی ... قادینک بوشکل عائله ده کی رولی پارا ایله آلینمش بر اسیر ... ایدی ...

مشروطیت دورنده نشر ایدیلن حقوق عائله قرارنامه سی قادینلره اولدجه حق ویردی و عائله بی دها مشروطی بر شکله قویغه چالیشدی . فقط بوتون اتماملرینه رغبا قادینی عنعنه نك تحکم و نفوذندن قورتاراجق رادیکال برانقلاب یالامدی . حکومتلر سیاسی موقعلرنی قورومق ایچون دینک کولکسنه صیغناق قادین و عائله بی اولدینی کی محافظه ایتک سیاستنی تعقیب ایدرکن ، یالکیز بر شیشی اونوتیورلر : قوتلی حکومت یالکیز سیاست قوتلی اولانلر دکلدز . سیاسی قوت بر ظرفدر ، اجتماعی قوتلر ایچین ایچین کیررکن بر کون کلیر ، ایچی چورومش بر آغاج کی آنسزین ییقیلیورلر ...

جمهوریت اسکی مستحانه اولمش قانونلری ایفا ایله دکل ، یکی احتیاجلره تقابل ایدن قانونلرایله باشلادیق انقلاب یولنده یورویه جکدر . عائله مسئله سنک تدقیق شرعی انجمننه حواله ایدلدی ، بوکا شبهه سز احتیاج واردر ، شیمدی به قدر صرف دینی بر مؤسسه اولان عائله بی اوله آغاجدن بر دال کسر کی مقاصله کسک ممکن اولماز . شرعی انجمنی نقطه نظرنی علاوه ایتکله برابر اک صلاحیتله رأینی ویرمک اولان انجمن ، عدلیه انجمنی و بر قانونک جمهوریت برسیلرینه موافق اولوب اولمادیقنی آزاماسی لازم کان حقوق اساسیه انجمنی در . و برانجمن ده عائله مسئله سنده حاکم اولان دینی مؤسسه ذهنیتی ییقبوب اجتماعی مؤسسه اولدینی قبول ایدن قانونلرایله عائله بی یکی بر شکل ویرمک مجبوریتنده در . دوغمه لردن اولدینی سویله مه به مجبور اولدینمن صبیحه خامک تورک

عائله سی بو قدر تذلیل ایتسی چوق بویوک صایغیسز لقدر . بو کون قارصدن ادر نه به قدر یاپیلان میلیونلرجه تورک قادینلری حیوان و اشیا مقوله سندن . میدر ؟ پارا ایله آلمش برر اسیر میدر ؟ دنیانک اک نجیب واک فضیلتکار ملتی اولان تورکک عائله سی بو قدر تحقیر ناصل شزا کوروله بیلیر ؟ تورککک منسوب اولدقاری دین بو قدر کوتو برشی میدر که عائله لری بودرجه ذلته دوشور یوز ؟ آمریقا ده تحصیل ایدن صبیحه خانم بولسان غیظ و شدتی آمریقا مکتبلرنده می اوکر ندی ؟ یوقسه فطری وارثی بر خاصه سی میدر ؟ تحقیر و تزییف اولونمده دن تورکک عائله سنندن ، دینندن بحث اولونه مازمی ؟ بوراسی آمریقا دکل ، تورکک مملکتی در . علیهنده شدتلر یوسکور دیکلر عائله لره آمریقا عائله سی دکل ، تورکک عائله لریدر . « ده موقراسی » برده سنه برونرک تورکک اسلام عائله لری نه بو قدر هجوم روا دکلدز . تورککک عائله سی و منسوب اولدقاری دین مین بو کی اسناداتدن منزهدر . کرک احمد امین بک ، کرک صبیحه خانم تورککک دینلریله ، عائله لریله اوغراشه جغه کندی صرقلرینک عائله لرنی اصلاحه ، کندی مذهب لرینک خرافه لرنی ابطاله چالیشسه لر دها فائده لی برایش کورومش اولورلر ، اعتقادنده یز .

احمد امین بکدن بر سوال

وطن غزته سی باش محردی احمد امین بک برمدتن بری متمادی دینک معاملاتدن تجریدی ایله عبادات و اعتقاد ساحه سنه حصر ایدیلنه سی توصیه ایدوب طور مقدمه در . مختلف مقاله لره ، مختلف شکللره داما بومستله بی ایلری سورمکده در . بواساس قبول ایدیلکی تقدیرده تشکیلات اسلسیه قانوننده بویوک ملت مجلسنه عائد اولان « احکام شرعیه نك تنفيذ و اجرائی » صلاحیتی مجلسدن نزاع اولونمق و بناء علیه قرآنک و حدیثک ، علی الاطلاق دین اسلامک احکام معاملات قسمی قوه تأییدیه و اجرائیه دن محروم قالمق ایجاب ایدر .

شیمدی به قدر وقوع بولان نشریات ، شو ویا بواحکام اسلامیه به قارشی اولدینی حالده ، شیمدی اسلامک اساسنه توجیه اولونمقده در . بو خصوصده احمد امین بک کی دوشون دیکر بعض محررلره واردر . صیره سی کلنجه بزبومستله بی اساسلی صورتده موضوع بحث ایده جکز . بالطبع بو خصوصده احمد امین بکله مناقشه دینه به کیریشه جک دکلز . چونکه احمد امین بک دین حقنمه کی عقیده اساسیه سی کیزله یور . اسلامده منبع شرع : قرآن ، سنت و اجماع امتدر . بونلری تمامیه قبول ایدیورمی ؟ یوقسه بر قسمی قبول ایدیور ، دیکرینی قبول ایتیمورمی ؟ بوجهلر بزجه مجهولدر . صرقداشی و مذهبداشی اولان قاراقاش زاده رشدی بکک افشاآنه کوره اونلرک کندیلرینه مخصوص عقیده لری اولدینی آکلاشیلیور . مع مافیه احمد امین بک « بن مرنه قدر

دوّمه ایسم ده اسلامیتک بوتون احکامی تمامیه قبول ایتمش و مظهر هدایت اولمشم در. دیرسه بوکا اینانمّه مجبورز. تا که عکسنه بر دلیل اولمادجه.

بو کون هر هانکی عرقدن اولورسه اولسون - انکلیز اولسون ، فرانسه اولسون ، یهودی اولسون ، زنجی اولسون ، حق قبطی اولسون - اهتدا ایدوب ده اسلامیق قبول ایدینجه آرتیق بزاونی مسلمان عد ایدرز. ایچنده نه عقیده طاشیرسه طاشیسون ، او خصوصه برشی دیبامیز. هیچ کیمسه دیگر کیمسه نیک ایمانه ، وجدانه مداخله ایده مز. اسلامده بو قاعده اساسیه در. لکن او ذات بن قرآنک شو وشو عقیده لرینی قبول ایدرم ، فقط وشو حکملرینی قبول ایتیم دیرسه او وقت مسئله دیکشیر. (افتؤمنون ببعض الکتاب و تکفرون ببعض).

برجوق دفعه لر یازدق که قرآنده وسائر منابع شرعیه ایکی قسم احکام واردر : بر قسمی عبادات و اعتقاداته تعلق ایدر ، بر قسمی ده احکامه . واحکام قسمی عبادات و اعتقادات قسمندن دها جو قدر . چونکه اسلامیت بر دین مدنی در. بناء علیه اسلام هیئت اجتماعیه سنک معاملاتی او احکامه استناد ایده چکی جهتله اسلام حکومتک احکام شرعیه ایله علاقه سی طبیعی و ضروریدر . احکام شرعیه نیک اجرا و تنقید صلاحیتی حکومتنن باشقه سنه قطعاً و یرله مز. عبادات و اعتقادات خصوصنده ذاتاً مسلمانلر سر بستدر . بو خصوصده آرایه نه بر فرد ، نه بر هیئت ، هیچ کیمسه کیره مز؟ حق بیغمبر بیلله . هر مسلمان عبادتی بلا واسطه طوغرودن طوغرویه الله قارشی یاپار . کامل یاپار ، ناقص یاپار . او ، اونک شخصنه عائد بر مسئله در . بو خصوصده الله ایله قول آراسنه هیچ بر کیمسه کیره مز. فقط معاملات قسمی بالطبع بویله دکدر . او ، هیئت اجتماعیه عائد اولدینی جهتله بو خصوصده حق ولایت آنجق و آنجق حکومتکدر . حکومت بو حق هیچ کیمسه یه رک ایده مز و ایتمز . بونک ایچون هیئت اجتماعیه اسلامیه مزک یکانه ممثل حقیقیسی اولان بویوک ملت مجلسی حکومتمز « احکام شرعیه نیک اجرا و تنفیذی ، صلاحیتی بحق در عهده ایتشددر . و بو حق و صلاحیتک اوندن نزعنه امکان یوقدر .

بز بومسئله لر باشقه دفعه ده یازدق ، اوزون اوزادی یه ایضاح ایتدک . صبره سی کلنجه ینه موضوع بحث ایده جکز . احمد امین بک بویکی مسائل دینییه قاریشیق ایسته یورسه اول امرده اسلامیتک منابع شرعیه سی اولان قرآنک ، سنک و اجماع امتک احکامی بلا قید و شرط قبول ایدوب ایتدیکنی سوبلسون . « اکر قبول ایتدم ، دیرسه او وقت خلافتی ادعایه بزم حقمز اولماز . اونک بوسوزینه اینانمّه مجبورز . بو سؤالی ایراد ایتمکدن مقصوده اونک عقیده خصوصه سنه ، ایمانه ، وجدانه مداخله دکدر . قطعاً اوکا قاریشماز و قاریشمه یه

هیچ کیمسه نیک صلاحیتی یوقدر . یالکیز احمد امین بک بزم اعتقاد اتمزه متبادیاً قاریشدینی ایچون کندیسنک اسلامیت حقنده کی نقطه نظرینی آکلامق ایسته یورز . احتمال که مسلمانلک اساساتی بیلیمه یور . عیب دکل آ . بیلیمه یه بیلیر . بوندن طولای هیچ ده اسلام خارجه چیقمق لازم کلز . او وقت بز کندیسنه بر طاقم دلائل سرد ایدرز ، آیات محکّمات کوستررز ، اسلام دینک اساسی بودر دیرز . طبیعی اوده بوتون احکام اسلامیه یی قبول ایلدم دیمش اولدینی جهتله آراد کی تنازعی حل و فصل ایتک بک زیاده قولایلاشیر .

لکن مسلمانلک اساساتی بیلیمه بر قسمی قبول ایدوب بر قسمی قبول ایتدیکنی سوبلسه او وقت مباحثه نیک صفحه سی ده کیشیر . بزم بوسؤالی ایراد ایتمکدن مقصودیمز بودر . احمد امین بک متبادیاً مسائل دینییه دن بحث ایتدیکی ایچون بزم ده بو خصوصده نقطه نظریمزی سوبلک حقمزدر ، صائیرز . احمد امین بک بزم بو حقمز ی تسلیم ایدر لر ، امیدنده یز . شرعک منابعی بلا قید و شرط قبول ایدوب ایتدیکنی سوبلدکن صوکره اونک ده بزدن صورده جنی سؤالروارسه سورسون . جواب ویرمک مجبوریتنده اولدیمیزی قبول ایدرز .

احمد امین بکجه ده معلوم اولق لازمدر که مسائل دینییه یی موضوع بحث ایتک ایسته ینلر اول امرده مذهب و عقیده اساسیه لر ی نه دن عبارت اولدینقی ، هانکی اصول و اساسات مذهبییه ایتنا ایتدکلرینی بیلدیرملری آداب مناظره اقتضاسنددر . نیته کیم بوتون مباحث کلامیه ده طرفین یکدیگرینک عقائد اساسیه لرینه و منسوب اولدقلری مذهبلره واقفدر لر . و طرفین منسوب اولدقلری مذهب و عقیده یی ده کیزله مکّه لزوم کورمز لر . بوسایه ده هر ایکی طرف دعوالرینک دلائلی اورتیه دو کدرک مناقشه علمییه ده بولور لر .

لکن شیمدی مع التأسف او یله اولماز . اسلامه قارشی نشر یاتده بولونانلر هم منسوب اولدقلری مذهب و عقیده لر ی کیزله یور لر ، هم اسلامه قارشی هر ایسته دکلرینی سوبلکمده کندیلرینی صلاحیتدار کور یور لر . بو طوغرو اولماسه کرک . بو جسارت مدنییه دکل ، حیانت مدنییه در . مسلمان دینی آشکاره در . اوندن هر کس بحث ایده بیلیر . فقط اوندن بحث ایتک ایسته ینلرک اول امرده نه اولدقلرینی افکار عمومیّه اسلامیه نیک بیلیمسی لازمدر . اکر بر طرف بونی کیزله مکده دوام ایدرسه دیگر طرف ایچون ، مباحثه یه دوام ایتک آبداللق اولور . اونک ایچون بز احمد امین بکله مباحثه دینییه کیریشمه یی شیمدی یه قدر قبول ایتدک ونه اولدینقی کیزله مکده دوام ایده جک اولورسه ینه قبول ایتیه جکز . یالکیز اونک نه اولدینقی آکلامیه و آکلامیه یه جالیش جقز . چونکه بوده مسئله نیک حلی ایچون بر طریق دیکردر .